



Saw, dwg gij rongh ndaw laep; saw, dwg rumzliengz seizhah; saw, dwg buhmienz seizdoeng. Youq diuzloh majhung gou, saw, mbouj miz saek seiz mbouj buenx youq henz ndang gou. Dwg saw son gou dauhleix guh

Saw, Son Gou Guh Vunz

书，教我做人

vunz.

Saw, son gou rox guh boux vunz lauxsaed ndeu. Geiq ndaej ngoenz-haenx dwg seizhah ngoenz gig ndat he, gou cij haj bi. Ngoenzhaenx, mbwn ndat raixcaix, cungj yaek ring gug vunz lo, sawqmwh dingqnyl laj laeuz miz vunz hemq: "Cawx sietdiuz lo, cawx sietdiuz lo, maenz ngaenz gaiq ndeu, maenz ngaenz gaiq ndeu." Seizhaenx gou hozhawq raixcaix, siengj gwn sietdiuz dangqmaz, hoeng gou youh mbouj miz cienz, daxmeh youh mbouj youq ranz, mboujgvaq, gwnz daiz ndaw ranz cingqngamj miz geij maenz ngaenz. Doeklaeng, gou nyaenx mbouj ndaej bak ngah, couh auw gij cienz haenx, roengz laeuz bae

cawx sietdiuz lo.

Gou cawx sietdiuz ma ranz, gou gwn diuz sietdiuz caeg auw cienz daeuj cawx haenx, ndawsim gig mbouj onj, lau daxmeh rox le moeb gou. Hoeng gou lij dwg gwn gaiq sietdiuz neix liux lo.

Daxmeh dauqma le, raen cienz gwnz daiz mbouj raen lo, couh cam gou: "Gij cienz gwnz daiz ne? Baenzlawz mbouj raen lo? Dwg mbouj dwg mwngz dawz bae?" Gou mbouj guh sing, mbouj gamj gangj caensiengq okdaeu. Seizhaenx, gou gag siengj: Dai lo, dai lo, deng fatyienh lo, gou wng mbouj wnggai gangj gij cienz neix dwg gou auw ne. Gou siengj bae siengj dauq, doeklaeng

gietdingh gangj ok caensiengq.

Gou gietdingh gangj ok caen-siengq, dwg aenvih gou youq gwnz bonj saw he yawjaen aen goj he. Aen goj haenx dwg gangj Meijgoz cungjdungj Vazswngdun, mwh de lij iq mbouj siujsim raemj raek go makynghdauz daxboh de gig maij haenx lo, Vazswngdun nyinh dwg de raemj, daxboh de deng Vazswngdun cungj cingsaenz gangj vahsaed nyinh loek neix gamjdoengh lo, daxboh mboujdan mbouj ndaq, lij byaujyangz Vazswngdun dem. Gou dwg aenvih aen goj neix cij gamj gangj vahsaed. Doeklaeng gou hix mboujdan mbouj deng daxmeh ndaq, lij ndaej byaujyangz dem.

Saw, de hawj mwngz haujlai cihsiz, sawj mwngz hag rox baenzlawz guh vunz.....

(haj nienzgaep Suh Fuzmingz)

Baez Daih'it Nanzlumz

难忘的第一次

贵港市覃塘区蒙公乡高占小六(1)班 李嘉楠

Youq diuzloh majhung raeuz, miz haujlai baez daih'it: Baez daih-it doenghfwngz cawjngaiz, baez daih'it byaij lohlaep, baez daih'it ciengx doenghduz iq, baez daih'it hwnj daiz byaujyengj, baez daih'it naengh hojceh.....aen youh aen baez daih'it lumj aen youh aen rizdin ityiengh, yaenq youq gwnzloh majhung raeuz. Hoeng, baez daih'it hawj gou nanzlumz haenx dwg ndaemnaz.

Geiq ndaej ngoenz seizhah nditndat ndeu, gou caeuq daxmeh dahcej doxcaez bae ndaemnaz.

Gyanghaet, mbwn ronghsagsag, rumz liengzisi, dujva riunyumj, go'nywj ngaekgyaeuj, yienghyiengh cungj gig gyaunde. Daeujdaengz doenghnaz lo, gou yaek sawqsawq, couh lumj naq liz gung ityiengh yiengq gyang naz buet bae, ngamq roengz daengz ndaw naz, gou byaij

ndaej saemxsaemx saxsax, mbouj siujsim couh caeuq boengznaz dox-got doxumj lo, loengh ndaej daengx ndang cungj dwg namhboengz, lumj duz byanouq gyuek boengz nei. Dahcej yawjaen gij yiengh ndeiriu gou, riu ndaej got dungx hwnjdaeu. Gou mbouj rox baenzlawz guh, couh cam: "Dahcej, vih gijmaz mwngz ndwn ndaej baenz maenh ne?" Dahcej naeuz: "Gou ngamq daeuj hag ndaemnaz seiz, hix caeuq mwngz ityiengh byaij ndaej saemx-saemx saxsax, hix laemx gvaq haujlai baez, seizneix gou daeuj ndaemnaz gaenq miz geij bi lo, guh lai couh sug lo." Gou ngaekngaek gyauej naeuz: "O! Yienzlaiz dwg yienghneix ha!" Gangj sat, gou couh hainduj ndaemnaz lo. Gou fwnzswix gaem boggyaj, fwnz-gvaz daj ndaw fwnzswix mbek ok go'gyaj ndaem roengz ndaw naz

bae, hoeng, gou ngamq daj ndaw boengznaz yut din hwnjdaeu, ndang baez nyeng, youh laemx lo. Gou swnh dahcej caengz yawjaen, sikhaek ndwn hwnjdaeu, lumj mbouj miz gijmaz saeh nei, laebdaeb bae ndaem. Gou laeglemx yawj dahcej, yawj de baenzlawz ndaem, cijraen dahcej ndaem ndaej youh vaiq youh soh. Gou nyaenx mbouj ndaej cam: "Dahcej, mwngz dwg baenzlawz ndaem ha, vihmaz ndaem ndaej youh vaiq youh soh ha?" Dahcej riu naeuz: "Ndaem lai le couh ndaem ndaej ndei lo."

Seizgan gvaq ndaej gig vaiq, ndit dak youq gwnz gyauej dou ndatfwdwd, dou gyavaiq suzdu ndaemnaz, mbouj geij nanz, couh dawz gaiq naz gvangqlangh haenx ndaem sat lo. Yawj go'gyaj gou ndaem ndaej mbiengmbieng mbeuj-mbeuj haenx, gou miz di mbouj ndei eiqsei lo.

Yienznaeuz baez daih'it ndaemnaz gamjdaengz youh baeg youh naet, ndaem ndaej mbouj ndei, hoeng gou daj ndaw guhhong ndaej daengz haujlai yinxdaeu.

(指导老师:覃红梅)



Va'byaekyouzcai

油菜花

Seizcin ngoenz ndeu, gou caeuq daxmeh bae ndaw doenghnaz yawj va'byaekyouzcai.

Byaij daengz henz doenghnaz, gou deng baihnaj goenghgi va-byaekyouzcai maez youq lo. Doenghnaz gvangqlangh, mbaw-byaekyouzcai heuyauyau, va-byaekyouzcai henjrwgrwg, ndei-yawj dangqmaz, hawj vunz yawj dwk simsangj simsoeng.

Daengngoenz ronghsagsag ciuq gwnz daihdeih, rumzcin raeujrub ci gvaq doenghnaz. Gwnz limq va'byaekyouzcai venj miz geij naed raemxraiz ronghliklik, daengngoenz ciuq gwnzde wenj-myagmyag. Rumzcin ci gvaq, va-byaekyouzcai mbouj dingz bi aen'gyaeuj de, lumj dwg diuqfoux nei. Va hom cienz cib leix, yinx daeuj baenz gyoengq baenz gyoengq rwi, duzrwi maenjung'ung daj duj va neix mbin daengz duj va haenx, moix duj va cungj riunyumj angqcoux de.

Doenghnaz, va'byaekyouzcai, daengngoenz, rumzcin, duzrwi lumjbaenz aen duenzdiuqfoux he, doxcaez diuq hwnj diuzgo seizcin.

(ngeih nienzgaep Fu Gingdingz)

Gou Dwg Boux Lwgnyez Diuqbeiz Ndeu

我是一个调皮的孩子

贵港市覃塘区蒙公乡高占小学三年级(1)班 邓良宇



Daihgya cungj heuh gou Siuj-liengz. Aenvih rwz gou iq raixcaix, lwgda youh hung youh rongh, song fwnz hung ndaej goeb aenmbwn. Lauxsae gangj: "Fwnz hung ndaej guhbaenz saehhung. Danhseih, gou yungh song fwnz neix guh le haujlai saeh diuqbeiz."

Ngoenz ciet sam nyied sam, daxmeh gou guh haeuxnaengj saek-hoengz. Gij saekhoengz ndaej ronghsien gyaunde, hawj vunz myaiz cungj rih lo. Sawqmwh, gou naemj daengz: Aeu ciengq lwgmanh hoengz gyaux ndaw haeuxnaengj bae, dwg mbouj dwg engqgya ndei yawj engqgya ndei gwn ne? Yienghneix, gou couh dawz ciengq lwgmanh hoengz dwk haeuj ndaw haeuxnaengj bae. Daxboh gwn gaemz haeuxnaengj ndeu, a a aswenj hwnjdaeu, de sikhaek buet bae gwn raemx. Gou roxnyinh gig dwgriu, couh

nyaenx mbouj ndaej riuhaha hwnjdaeu lo. Cingq youq seizneix, daxmeh sawqmwh cam: "Siujliengz, ciengq lwgmanh gou ne?" Gou canggyaj mbouj rox, laeglemx dawz ciengq lwgmanh yo bae. Daxboh dingqnyl sing gou riu le byaij gvaqma, de baez raen gou couh yaengx hwnj fajfwngz yaek fak gou.

Gou lau ndaej deuz ok bakdou bae, daxmeh itmienh gyaep gvaq-daeuj itmienh nambdbed: "Mwngz lwg diuqbeiz neix, mbouj dawz vah daxmeh dingq haeuj rwz ha."

(指导老师:韦江萍)